



UNIVERSITÄTS-  
BIBLIOTHEK  
PADERBORN

## **Paraphrasis Psalmorum Davidis Poetica**

**Buchanan, George**

**Argentorati, M. D. LXVIII.**

**VD16 B 3125**

Georgii Buchananani Paraphrasis, In secundum librum Psalmorum.

---

[urn:nbn:de:hbz:466:1-69145](https://nbn-resolving.org/urn:nbn:de:hbz:466:1-69145)

Seruaui animus, dexteram  
 Te porrigente, qui receperas tuam  
 Semper tuendum me in fidem.  
 Agnoscat orbis unicum & colat Deum,  
 Quem gens honorat Isaci:  
 Vnumq̄z laudet, temporum donec uices  
 Luces & umbræ diuident.

GEORGII BV-  
 CHANANI PARAPHRASIS, IN  
 secundum librum Psalmorum.

PSALM. XLII. *Quemadmodum desi-*  
*derat ceruus, &c. Carm. gen. 13.*

**N**on ceruus fluuios sicauet algidos,  
 Ceruus, turba canum quem premit, ut tui  
 Cor desiderio carpitur anxio,  
 Rerum conditar optime.  
 Huc me raptat amor dulcis, & impotens  
 Ardor ferre moras. O niueum diem  
 Qui templo reducem me statuet tuo!  
 O lucis iubar aureum!  
 Ieiunus lacrymis pro dape se dolor  
 Pascit turba meis obuia dum malis  
 Illudens rogat, Heus iste tuus Deus  
 Cur non deserit exulem?

At

At rursus bonitas quum subijt tua,  
Et menti auxiliij certa fides tui  
Illuxit trepidæ, temporis illius  
Me consolor imagine,  
Festis quum populus me reducem choris,  
Fauistisq; excipiet uocibus, & Dei  
Pompa cum celebri me comitabitur  
Augusta ad penetralia.  
Cur me sollicitis teq; doloribus  
Mens ægra exanimas: pone metum, ac Deo  
Te da: quo patriæ uindice redditus,  
Grates sospes adhuc agam.  
Hæc mentem recreat spes, licet auis  
Iordanis lateam saltibus, Hermonij  
Exul dura licet saxa perambulem,  
Solis hospita belluis.  
Quamuis agminibus me mala densius  
Omni ex parte premant, quàm super horridos  
Montes grando sonat, quàm mare uerberat  
Raucis litora fluctibus:  
Tu si me placido lumine uideris,  
Cedent tristitiæ nubila: tetricas  
Mæroris tenebras discutiet mihi  
Lucis dulce iubar tuæ.  
Laudes interea non mihi nox tuas,  
Non curæ impediunt: ô columeu meum  
(Dicam) & certa salus, ludibrium feris  
Cur me deseris hostibus!  
Dirumpor: tacitis æstuat ignibus  
Pectus, turba meis impia dum malis

Insultans rogat, Heus iste tuus Deus  
 Cur nunc deserit exulem?  
 Cur me sollicitis teq̄ doloribus  
 Mens ægra exanimas? pone metum, ac Deo  
 Te da: quo patriæ uindice redditus,  
 Grates lætus adhuc agam.

PSALM. XLIII. Iudica me Deus, & discerne caus. &c. Carm. gen. ii.

V Index esto mihi Deus,  
 Et patrocínio protege me tuo,  
 Oppressum scelere impio:  
 Et fraudum laqueos frange nefarios.  
 Vitæ ô præsidium meæ,  
 Cur me præsidio destituis tuo?  
 Cur lactu uagor obsitus,  
 Dum sæuæ furias uito tyrannidis?  
 Profer lumen opis tuæ:  
 Montem pande uiam quæ ferat ad tuum:  
 Montem: quam propiè domum  
 Maiestate tui numinis incolis.  
 Atq̄ aram adueniam ad tuam,  
 Ac te, lætitiæ materiam meæ.  
 Et grata cythara tibi  
 Grates lætus agam conditor optime.  
 Cur mæres anime anxie,  
 Ac me sollicito pectore maceras?  
 Omnem pone metum, ac Deo  
 Curam crede tui, quem super æthera  
 Cantu sospes adhuc feram,  
 Quum saluus patriæ reddar amabili.

PSAL.

PSAL. XLIIII. Deus, auribus nostris aud.

Ec.

Carm. gen. 3.

VErusta ad aures fama nostras attulit,  
 Serisq; patres posteris  
 Stupenda facta tradidere à te Deus  
 Patrata priscis sæculis:  
 Eliminatis quum profanis gentibus,  
 Et incolis prioribus,  
 Horum labore fructibusq; perfrui  
 Nostris dedisti patribus.  
 Certè nec armis lucidis nec uiribus  
 Debemus has uictorias:  
 Sed nos fauoris aura mollis & tua  
 Protexit indulgentia.  
 Ergo salutis auctor unice ô Deus  
 Ades pijs salutifer.  
 Te dante uires, hostium ferociam  
 Tam facillè profligabimus,  
 Taurus minaci quàm iacit cornu pilas,  
 Stipulæ uè fauces aridæ.  
 Superba regum colla crasso in puluere  
 Prostrata conculcabimus.  
 Non arcus istam lethifer fiduciam,  
 Non mucro sæuus ingerit:  
 Tu nos ab hoste subtrahes, sternes solo  
 Infensa nobis agmina.  
 Non ergo semper iure te laudabimus  
 Nostræ salutis uindicem,  
 Ac donec orbis astra uoluet ignea,  
 Te prosequemur laudibus?

F ij

At nunc relictos obijcis ferocium  
Iniuriæ nos hostium,  
Nec prodis ante nostra ductor agmina  
Qualis solebas antea.  
Hosti imminenti terga cogis uertere:  
Prædeq̄ das prementibus.  
Pecus ut macello destinata exponimur  
Cædentium libidini,  
Omnesq̄ terras barbararum gentium  
Errore complemus uago:  
Vanum dedisti nos palàm, nec auctio  
Te ditiozem reddidit.  
Vicina nostris oppida insultant malis,  
Cladesq̄ rident:fabula  
Sumus profanis nationibus: caput  
Motant,labella exporrigunt.  
Oculis oberrat usq̄ contumelia,  
Pudorq̄ uultus inficit:  
Dum uoce acerba iniurias exasperat,  
Minasq̄ toruas adijcit  
Hostis proteruus.Obruit tot cladibus,  
Tot undequaq̄ instantibus,  
Tamen nec unquam est animus oblitus tui,  
Tecumq̄ pacti fœderis:  
Sese nec ullis territus periculis  
Auertit aut flexit uia  
Recta pes:etsi penitus abiecti interim  
Abs te:licet draconibus  
Immitioris gentis addicti iugo,  
Feramus umbram Ergastuli:  
Et seruitutem lugeamus,& necem

Vitæ

Vitæ precemur tædio.

Iniqua meritis si tuis obliuia

Offuderint se mentibus

Nostri, manusq; supplices protendimus

Dijs impiarum gentium,

Id te lateret, abditas qui pectoris

Prorsus latebras inspicias?

Te propter odio ceteris populis sumus,

Et instar ouium cædimur.

In te fauoris pendimus pœnas: tui

Amoris odia nos premunt.

Exurge: similem somnolentiæ moram

Salutis auctor corripe.

Cur ora condis, immemorq; negligis

Tuos malis in ultimis?

Afflictus animus, & malis præsentibus

Lassus, futuris anxius,

Succumbit oneri: strata tabescunt humi

Defecta membra uiribus.

Exsurge genitor, & uigore corporis

Animiq; cassos subleua:

Clemens bonusq; nos ab hostis impij

Immanitate libera.

PSAL. XLV. *Eruclauit cor meum uer-*

*bum bonum, &c.*

*Carm. gen. 1.*

**C**Ornicat, exultat trepidis præcordia fibris,

Eruclatq; nouũ grauido de pectore carmẽ:

Certat lingua animum fando, manus æmula

linguam

Scribendo exæquare, meo noua carmina Regi

F. iij

Dū cano: regi, hominū cui nemo è semine cre-  
 Audeat eximie cōtendere munere forme (tus  
 Quem decorat lepor, & roseis affusa labellis  
 Gratia: cui rerum cœli indulgentia spondet  
 Hūc fore perpetuū longæua in sæcla tenorem.  
 Ergo armis inuicte heros age, fortibus apta  
 Ensem humeris, ensem, per quē te gloria cælo  
 Aequat: & aduersum fidens serpectus in hostē.  
 Frena tibi currus uerum moderetur & æquū,  
 Et quę præcipitem clementia temperat iram.  
 His ducib<sup>9</sup> tibi surget honos: tua dextera factis  
 Clara per ignotas fundet miracula terras:  
 Corda q̄ uulnificis figens inimica sagittis,  
 Sponte tibi coges ualidas procumbere gētes.  
 Nec maris aut terræ spatiū, nec termin<sup>9</sup> æui  
 Finiet imperium, sceptri moderamine iusti  
 Quod regis, & leges mollis clementer acerbas.  
 Te super æquæuos omnes regnator olympi  
 Diligit: & læto uultum exhilarauit oliuo:  
 Vnde tui mulcent populi noua gaudia mētes,  
 Pallia quum loculis tibi depromūtur eburnis,  
 Et myrrhæ passim lacrymæ, stactæq̄ suaui  
 Halitus, & molles casia funduntur odores.  
 Ancillæ apparent genus alto è sanguine regū  
 Inter honoratas prōptæ ad tua iussa ministras.  
 At regina thori consors tibi dextera adheret,  
 Auro picta sinus, auro radiata capillos,  
 Misit ab Eois Ophyre quod flaua caminis.  
 Tuq̄ ad eò regina audi, & rem pectore conde:  
 Nec mea dicta nega placidas demittere in au-  
 lam nunc & patriā & patrē obliuiscere, (res:  
 iam nunc Ex



Ex animo caros penit<sup>9</sup> depone propinquos:  
 Vnū oculis specta. unū animo cōplectere regē:  
 Regem oculis animoq̄ tuo qui pēdet ab ore,  
 Vnius & pulchris defixus vultibus hæret.  
 Hunc Dominum agnosce, & supplex uenerare:  
 Officio studioq̄ tibi concedet: & illa (nec ille  
 Vndarum regina Tyros de murice & auro  
 Accumulans colet: & uicina per oppida latè  
 Procumbent tibi suppliciter gazisq̄ potentes,  
 Aut opibus clari: meritumq̄ feretis honorem  
 Hunc populi: Pharij proles generosa Tyranni  
 Tota decēs, tota est gemmisq̄ insignis & auro?  
 Et facies cultum illustrat, facieq̄ decora  
 Pulchrior est animus. Tibi rex en ducitur uxor  
 Diues opum, diues pictai uestis & auri,  
 Virginibus comitata suis de stirpe propinqua,  
 Virginibus, quas pōpa frequēs clamore secun  
 Insequitur, plausuq̄ fremēs, letēq̄ choreę (do  
 Cantibus augustam lætas deducet ad aulam.  
 Neu desiderio nimium tangare tuorum  
 Virgo, tibi dulcem patrisq̄ & matris amorem  
 Leniet adnascens sobolis generosa propago:  
 Quos regere imperio terras, totumq̄ per orbē  
 Aspicias populos sceptris frænare superbos,  
 Nec tu carminibus regina tacebere nostris:  
 Quaq̄ patet tellus liquido circumsona pōto,  
 Posteritas te sera canet: dumq̄ aurea uoluet  
 Astra pol<sup>9</sup>, memori semper celebrabere fama.

PSAL. XLVI. Deus noster, refugium &  
 uirtus, &c.

Carm. gen. 6.

F iiii

Quum muniat nos præsidio suo,  
 Virtute firmet, quum grauis intonat  
 Procella, fortunæ periclis  
 Eripiat dominator orbis,  
 Nullam expaueamus uim, quatiat licet  
 Orbem tumultus, terraq; sedibus  
 Conuulsa, montium ruinis  
 Arctet aquas pelagi frementis:  
 Infana quamuis æquora sæuiant,  
 Et uorticofo gurgite torqueant  
 Spumamq; limumq;, & procellis  
 Terrificis scopulos flagellent.  
 Nam ciuitatem cui Deus unice  
 Indulget, aris & propriam suis  
 Dicauit, argenti pererrans  
 Lympha fugax hilarat liquore:  
 Occulta ne uis aut timor hosticus  
 Urbis quietem sollicitet, Deus  
 Gentis suæ intentus saluti  
 Præuenit auxilijs pericla.  
 Gentes tumultus concitet impias,  
 Et regna belli concutiat furor,  
 Flammis fremat cælum conuulsis,  
 Terrificet labefacta tellus:  
 Hac & duelli pacis & arbiter  
 Stat, præliorum qui regit exitus,  
 Munimen, & nostræ salutis  
 Præsidium, Deus Abrahami.  
 Venite, adeste, & cernite non prius  
 Audita, mira, incognita, quæ Deus  
 Patrauit in terris ab ortu

Solis

Solis ad hesperium cubile.  
 Funesta belli incendia sustulit:  
 Fregit cruentæ spicula lanceæ:  
 Contriuit arcus, & uolucres  
 In cinerem minuit quadrigas.  
 Sedate motus mentis, ait Deus,  
 Measq; uires noscite, quem colet,  
 Quocunq; sub cælo repostas  
 Gens hominum colit orbis oras.  
 Hac is duelli pacis & arbiter  
 Stat, præliorum qui regit exitus,  
 Munimen, & nostræ salutis  
 Præsidium, Deus Abrahami.

PSAL. XLVII. Omnes gentes plaudite  
 manibus, &c. Carm. gen. 10.

**T**elluris omnes incolæ  
 Deo canoros edite  
 Plausus, canoris pangite  
 Lati Deum præconijs.  
 Deum uerendum & arduum,  
 Malisq; formidabilem,  
 Qui regna fastu turgida  
 Frænât potenti dextera:  
 Qui bellicosa compulit  
 Parère nobis oppida:  
 Nostrumq; gentes inclitas  
 Armis coegit sub iugum.  
 Hereditatem qui suam

Nobis colendam credidit:  
Vnde Isaci nepotibus  
Aeterna fulget gloria.

En templa scandit præuio  
Lætum canente classico:  
En scandit auctor omnium  
Vulgi secundis plausibus.

Cantate læta carmina  
Deo, canora carmina  
Cantate: regi psallite  
Iucunda uestro carmina:

Qui scepra rerum temperat,  
Ac regna terræ diuidit:  
Docti modorum dulcibus  
Hunc ferte in astra cantibus.

Qui dirigit mortalium  
Res, & salubri uinculo  
Legum coercet, lucido  
E siderum prætorio.

Ad hunc potentes gentium  
Se contulere principes:  
Vltroq; colla sub iugum  
Rerum dedere præfides.

Nostrum Deum dijs ceteris  
Sublimiorem agnoscite,  
Cælum, solumq; & sidera  
Suo regentem numine.

PSAL. XLVIII. Magnus Dominus &  
laudabilis, &c.

Carm. gen. 3.  
Rector

**R**ector beate cælitum, cui nil uiget  
Simile aut secundum, cælitum  
Beate rector, sancta iure te Sion  
In astra tollit laudibus:  
Sion opacam uersa ad Arcton, regia  
Formosa regis optimi:  
Sion uoluptas gentium, uberis soli  
Aruis beatis accubans.  
Sensere Domini uindictis potentiam  
Solymæ superba mcenia:  
Sensere numen, quum feroces uiribus  
Coiere reges copijs,  
Castrisq; iunctis, seruitutem ciuibus  
Tuis minati & uincula.  
Perstrinxit oculos intuentium stupor,  
Et horror artus perculit.  
Quales tremores querulus excitat dolor  
Vexante partu feminas:  
Pauorq; trepida sparsit attonitos fuga,  
Euri procella ut æquora  
Verrens, ab imis penitus excitum uadis,  
Trepidias carinas dissipat.  
Hæc facta priscis rettulere seculis  
Paruis parentes liberis:  
Hæc nos in urbe uidimus Dei, ratis  
Qui frænat orbem legibus.  
Hæc urbe in illa uidimus, cui peruigil  
Deus ipse custos excubat.  
O sancte rerum genitor, in rebus malis  
Tuam aduocamus dexteram:  
Tuas ad aras supplices aduoluimur,  
O rector

O rector orbis optime.  
 Tua laus per oras ultimas mundi, & tuæ  
 Imago fulget gloriæ  
 Et æquitatis. Te scelestos uerbere  
 Plectente iusto, gestient  
 Colles Sionis: nec feret tacitum suum  
 Iudæ propago gaudium.  
 Ite, & Sionem obambulate, mœnia  
 Spectate, tures arduas  
 Numerate, fossam & aggerem intuemini,  
 Molesq; cellas ædium.  
 Narrate natis, posterorum ut audiant  
 Et obstupescant sæcula:  
 Solumq; noscant & colant nostrum Deum,  
 Ortusq; finisq; in scium:  
 Qui sempiternus sempiterna nos ope  
 A fraude uiq; proteget.

PSAL. XLIX. *Audite hæc omnes Gentes,*  
*&c. Carm. gen. 15.*

**A**udite gentes: ortus & occidens  
 Aduertite aures, & medio dies  
 Quos torret axe, & qui uitream solum  
 Pontiniuali finditis orbita.

Audite, siue ignotus, & infima  
 De plebe pauper, siue opibus potens,  
 Multaq; fulges plebe clientium,  
 Auriq; gazis ditibus incubas.

Fontes recludam iam sapientiæ:  
 Plenoq; promam pectoris è penu  
 Prudentiam: iam lingua recondita

Oracla

Oracla gestit carmine pandere.

Cur congerendis me cruciem bonis,  
Famemq̄ & acrem pauperiem timens:  
Vt uita curis anxia tristibus  
Me tristiolem trudat ad exitum?

Gemmis & auro & murice diuites  
Superbientes aspice, qui sibi  
Gaudent beato plaudere somnio,  
Tutosq̄ fluxis credere se bonis.

Germanus auro non redimet suum  
De morte fratrem: nec pretio Deum  
Donisue flectet fata retexere,  
Vt membra liquit frigida spiritus.

Sed nec perennes interitus moras  
Diues pacisci, nec potis est putres  
Ne soluat artus tempus edax. uetat  
Id lege dura fixa necessitas.

Mors æqua stultis & sapientibus  
Intentat arcum: par manet exitus  
Vitæ hos & illos. occupat improbis  
Ignotus heres parta laboribus.

Villæ superbæ delicias breues,  
Luxuq̄ structas regifico domos  
Linguunt: sepulcriq̄ irremeabilis  
Tenebricosis sub latebris iacent.

Quid fama duris parta laboribus  
Prodest? inanis quid tituli decus?  
Quid aura blandæ laudis, & ambitus  
Nomen futuris proderet sæculis?

Quum uani honoris uer breue floruit,  
Lethale spirans mortis hiems, uiros

Et

Et bruta raptans interitu pari,  
Obluionis nube pari premit.

Hac stulti ierunt, hanc malè prouidos  
Ducet nepotes error in orbitam:  
Quos mors sepulcri sub scrobe conditos  
Depascet, imbelles ut oues lupus.

Aeterna cæli temperies pios  
Manes fouebit lucis in aurea  
Splendore: qualis manè fluit nitor  
Per prata uernis picta coloribus.

Stultis senectus robora deteret:  
Pro sumptuosis bustum erit ædibus.  
At me benignus de barathri cauo  
Specu remissum suscipiet Deus.

Nec te cupido sauciet æmula,  
Stuporûe, si quem uideris impia  
De plebe fluxis conspicuum bonis,  
Clarumq; multa fulgere gloria.

Quum dexteram mors illa crymabilis  
Iniecit, ex tam diuite copia  
Secum sub umbras nil feret: & comes  
Infida bustum gloria deseret.

Dum commeantis pectora spiritus  
Haustu calefcunt, perfruitur bonis,  
Seseq; curat molliter, & monet  
Omnes eundem pergere tramitem:

At quum parentes cesserit ad suos,  
Longum dolebit stultitiam breuem,  
Ad regna tractus lucis egentia,  
Quæ semper horror nubilus obsidet.

Rectrix honoris ui sapientia

Accesse-



Accesserit, brutis homo bestijs  
 Nil interest, quos uita facit pares,  
 Expectat æquè inglorius exitus.

PSAL. L. Deus deorum Dominus loquutus est, &c. Carm. gen. 6.

Q Vifrenat æquis legibus arbiter  
 Superba regum colla minacium,  
 Vocabit in ius orbem ab ortu  
 Solis ad hesperium cubile.

Vultu uerendo tum sacer ardua  
 Pulchræ Sionis de specula loquens,  
 Ad gentis humanæ coactum  
 Concilium Deus ora soluet.

Non facta semper non finet impia  
 Impunè grassari. ueniet Deus:  
 Flammæ uorax illum antecedit  
 Vis rapidis agitata uentis.

Testes uocabit cum populo suo  
 Acturus, ignes, lumine conscio  
 Qui cuncta despectant ab alto &  
 Omniparæ sola uasta terræ.

Adeste primùm gens mihi propria,  
 Gens sancta, (dicet) cui super hostijs  
 Legem dedi ritè offerendis.  
 Perpetuum pepigiq; fœdus.

Hic æquitatem iudicis igneus  
 Miratus æther, iustitiam Dei  
 Annuntiabit. nam sedebit  
 (Ne dubita) Deus ipse iudex.

Audi Abrahami progenies boni,

Peculia-

Peculiaris gens mihi: te uoco,  
 Testem benignitatis in te  
 Perpetuæ, & solidi fauoris.  
 Non arguam te quòd mihi uictimæ  
 Cruore raro altaria sparseris,  
 Aut parcus armenti cremâris  
 Rara sacris holocausta flammis?  
 Non taurum egens te de stabulis peto,  
 Hircum ué caulis. omne pecus meum est  
 Quod montium anfractus pererrat:  
 Quod nemorum tegitur latebris.  
 Nec me uolucris rupis in edito  
 Viquam recessu nidificans latet  
 Non ulla picturato amictu  
 Ruris auis genialis hospes.  
 Quòd si esurirem, scilicet ut petam  
 A te necesse est, arbiter ætheris  
 Terræ, freti q̄, & quicquid ingens  
 Orbis habet gremio triformi.  
 Taurine uescor carnibus? aut bibo  
 Hirci cruorem? pectore candido  
 Grates age, & quouis litabis  
 Ritè Deo sine cæde uoto?  
 Tum deprehensus rebus in asperis  
 Securus implora, auxilium feram:  
 Grates ut accepta salute  
 Lætus agas, Dominum q̄ laudes.  
 At impium sic alloquitur Deus,  
 Qua fronte Leges tu recitas meas,  
 Et ore sanctum impurus audes  
 Sacrilego memorare fœdus?

Tu

Tu legum habenis impatiens regi,  
 Et institutis, moribus & bonis  
 Iuratus hostis, uoce laudas,  
 Tecum animo mea uerba rides.  
 Cum fure furti consilium cois,  
 Mœchis adulter te socium applicas:  
 Ad probra proiectus, dolosa  
 Perniciem meditare lingua  
 Cum fratre iuncti uincula sanguinis  
 Oris procacis non rabiem premunt:  
 Infamia germanum eodem  
 Dedecoras utero creatum.  
 Et arbitraris me similem tui,  
 Quòd perpetrata hæc dissimulauerim?  
 Ne crede: tecum ex postulabo,  
 Ante oculos tua facta ponam.  
 Considerate hæc uos, quibus excidit  
 De mente cæca mentio numinis:  
 Ne, quumprehendam, nemo sit qui  
 De manibus mihi presa tollat.  
 Si uictimam uis magnificam mihi  
 Mactare, laudes canta, age gratias.  
 Hæc itur ad certam salutem,  
 Hæc superos uia pandit axes.

PSAL. LI. *Miserere mei Deus, secundum*  
*mag. etc. Carm. gen. 5.*

O Salus rerum, lacrymis precantum  
 Mollibus flecti facilis, rogantem  
 Lenis exaudi, scelerumq; tetras  
 Ablue sordes.

G

Vsq3 peccati laue & usq3 labem,  
 Dum repurgatum maculis pudendis  
 Purius corpus niteat recocto  
 Ignibus auro.

Nam meam agnosco (pudet heu pigetq3)  
 Ah miser labem: uitijq3 fœda  
 Mentis obuersans oculis imago  
 Semper oberrat.

Vnus arcani es mihi testis: unus  
 Arbiter uerax, temerario ausu  
 Improbas linguas tua iudicantura  
 Facta refutas.

Quippe iam primo scelus usq3 ab ortu  
 Hæret, infectas uitians medullas:  
 Deq3 conceptu genitricis hæusi  
 Semina labis.

At tibi cordi est sine fraude ueri  
 Simplicis candor, fideiq3 certæ  
 Puritas, nullo labefacta duri  
 Tu chinis ictu.

Hanc facis tanti, uitij3 ut atris  
 Oblito, legum sapientiæq3  
 Tu mihi arcanæ facilis beatum in-  
 dulseris haustum.

Ergo me hyslopi, sator alme, lustra  
 Frondis aspersu: maculæq3 cedent,  
 Mem-

Membra candorem tibi lota uincet  
Pura uiualem.

Si bonus lætū placidusq; mittas  
Nuncium, tristem mihi recreabis  
Gaudio mentem: stupidos recurret  
Robur in artus.

Ne meos lapsus oculis acutis  
Semper obserua, numerāue labe:  
Sed malę culpæ nimium tenaces  
Abluę sordes.

Cor mihi rectum, scelerisq; purum,  
O potens rerum genitor, reſinge:  
Spiritu firmum renoua nouata  
Cordis in aula.

Neu mihi auertas faciem, tuoq;  
Arceas uultu procul, auferasq;  
Spiritu sanctum, calida incitatus  
Rursus ab ira.

Redde speratę solido ut ſalutis  
Gaudio per te fruatur, inquieti  
Spiritu motus animi rebelles  
Principe firma.

Tum meo exemplo moniti scelesti,  
Quos uia flexit maleſuadus error,  
Denuo legum duce me tuarum  
Iuſſa capeſſent.

G ij

Expia noxa mihi sospitator  
 Cædis infandæ caput obligatum, ut  
 Te canam iustum, pariterq; lapsis  
 Parcere largum.

Tu uiam uocis mihi pande: mutum  
 Tu Deus linguæ moderare plectrum,  
 Tum feram latè tua magna gentes  
 Facta per omnes.

Victimæ si te caperent, dedissem  
 Victimam: sed te neq; sanguis hirci  
 Fufus, aut sacris holocausta placant  
 Addita flammis.

Pænitens fraudum scelerumq; pectus,  
 Spiritus fracti, mala cor perosum,  
 Hæc Deum placant: adhuc hæc, & absque  
 Ture litabis.

Gentis humanæ bone dux Sionem  
 Quo soles uultu facilis tuere:  
 Pace florentes Solymæ beatæ  
 Protege turres.

Tum tibi uotis bona mens pudicis  
 Sacra persoluet: sacer hircum ignes  
 Pascet, & sanguis uituli calentem  
 Imbuet aram.

PSAL. LII. *Quid gloriaris in malitia, qui,*  
*etc. Carm. gen. 10.*

Quid gloriaris impie  
 Tyranne prauis artibus?  
 Innoxijs clementia  
 Diuina semper excubat.

Tua

Tua lingua semper fraudibus  
Intenta comminiscitur  
Nefas, nitente cotibus  
Acutior nouacula.

Te praua rectis plus iuuant,  
Plus falsa ueris recreant:  
Dolisq; pestilentibus  
Libenter aurem commodas.

Ergo Deus te conteret:  
Hominumq; contubernio  
Eliminabit, ac domum  
Euertet omnem funditus.

Iustus uidebit, & grauem  
Dei pauebit dexteram:  
Vanaq; dignos exitus  
Ridebit impotentia.

En ille gazis (inquiet)  
Malisq; fidens artibus,  
Securus ille numinis,  
Diuinæ opis nil indigens.

Ego, ceu uirens oliuula,  
Domini in agello onfita,  
Florebo, spe fretus bona  
Cælestis indulgentiæ.

Te semper in cœtu pio  
Fraudis scelestæ uindicem  
Canam, & tuæ clementiæ  
Spe dura cuncta perferam.

PSAL. LIII. Dixit insipiens in corde,

etc.

Carm. gen. 3.

O Pinionum fœda mentem toxico,  
 Corpusq; scelerum sordibus  
 Contaminata turba, uela dum cupit  
 Suo furori obtendere,  
 Ferri ac referri sortis arbitrio omnia  
 Humana comminiscitur.  
 Ergo exsolata numinis formidine,  
 Dat frena turpitudini:  
 Scelestâ, fœdâ, abominandâ excogitat,  
 Excogitata perpetrat.  
 Ex arce celsa siderum deflexerat  
 Dominus in orbem lumina,  
 Si quem uideret fortè non penitus malis  
 Corruptum opinionibus,  
 Qui mentis oculis omnium fideliter  
 Rerum parentem quæreret:  
 Erroris omnes nubili fallacibus  
 Fraus illigarat cassibus.  
 Secuncti eisdem polluere sordibus,  
 Nec recta cuiquam curæ erant.  
 Ergo ille mitis, ille munificus parens,  
 Ira incitatus aspera,  
 Gens (inquit) ista plena scelerum ac sordium,  
 Crudelis animo & impia,  
 Quæ panis instar deuorat plebem meam,  
 Ecquando cognoscet Deum?  
 Ecquando mentis oculis in periculis  
 Agnoscet orbis arbitrum?

Certè



Certè timebit non timenda, & conscius  
 Vexabit horror pectora.  
 Nam Dominus ossa conteretq̄, & hostium  
 Ausus retundet impios.  
 Vultum pudoris turpibus sparget notis:  
 Turbabit animum infamia.  
 En unquam Eo Lucifer salutifer  
 Ab axe promethuæ diem?  
 Ab arce Dominus quum Sionis ardua  
 Speratam opem feret suis,  
 Patriæq̄ uinclis liberos hostilibus  
 Reddet nepotibus Ifaci,  
 Electa laudes gens illius ut canat  
 Perfusa uero gaudio.

PSAL. LIIII. *Deus in nomine tuo saluum  
 me fac, &c.* *Carm. gen. 10.*

**R**erum parens me protege,  
 Et sæuo ab hoste libera,  
 Nomen boni ut colant tuum,  
 Et uim pauescant impij.  
 Audi benignus supplicem,  
 Nec durus auren. questibus  
 Occlude: uitæ nam meæ  
 Crudelis hostis imminet.  
 Infestus hostis imminet  
 Vitæ meæ: nec uindicem  
 Dei potentis dexteram  
 Sibi imminem respicit.  
 Rerum sed æquus arbiter  
 Opem feret: periculis

G iiij

Me liberatum fulciet,  
 Et sospitem tuebitur.  
 Suis peribit artibus  
 Scelestæ fraus, & incident  
 In ipsa cæci retia  
 Quæ clam mihi tetenderant.  
 Liber periculo, uictimis  
 Te munerabor: te canam  
 Patrem, bonis placabilem,  
 Malisq; formidabilem:  
 Qui libero molestijs  
 Mihi dedisti gaudia  
 Haurire læto lumine  
 De clade gentis perfidæ.

PSAL. LV. Exaudi Deus orationem meam, & ne etc. *Carm. gen. 5.*

CÆlitum rector bone, mitis aurem  
 Admoue in rebus trepidis uocanti,  
 Neu meos uultu tetrico seuerus  
 Despice questus.  
 Aspice attentus mihi quo tumultu  
 Aestuet pectus: gemitu dolores  
 Quo fremant, dum uis mihi frausq; sæui  
 Imminet hostis.  
 Imminet sæuus capiti tyrannus,  
 Et meæ famæ meditatur atrox  
 Crimen, & secum furit impotenti  
 Turbidus ira.  
 Cor micat, neruis trepidant solutis  
 Ossium nexus, animus labascit,  
 Semper

Semper & pallens oculis oberrat

Mortis imago.

Ergo sic mecum loquor, O quis altos  
Nubium in tractus celeri columbæ  
Me leuet penna, nemorum & remotis

Sistat in antris:

Vt procul cura trepida metuq̃,  
Montium solos habitem recessus,  
Ocyor uentis ferar, & corulci

Fulminis alis!

O Deus linguas malè perde prauas,  
Illitas linguas gelido ueneno:

Quæ dolis, probris, rabidisq̃ uexant

Litibus urbem.

Siuelux fundat radios micantes,  
Siue nox fundat tenebras opacas,  
Excubant muris maledicta, uicis

Omnibus errant.

Vis, furor, fraudes, scelerum libido

Obsidet cunctos aditus uiarum:

Et fames auri miseram trucidans

Fenore plebem.

Si palàm sæuos inimicus enses

Stringeret, si clam laqueos pararet,

Dente si famam peteret maligno,

Aequior essem.

Tu mihi insultas comes & sodalis,

Testis arcani taciturni, & auctor

Consilij, sacrae totiesq̃ iunctus

Fœdere mensæ.

G v

Gentis humanæ moderator, orbem

Qui salutaris regis æquitate,

Fraudis auctores scelerumq; uiuos

Obrue terra:

At mihi attentam dabis æquus aurem,

Siue lux promat radios ab undis,

Siue lux condat radios sub undis

Vespere sero.

Inter hostiles dabis ut tumultus

Tutus euadam. mihi nam superbis

Viribus fretus numeroq; sæuus

Imminet hostis.

O potens rerum, sine fine pœnis

Tu premes iustis scelus impiorum,

Arrogans pectus quibus obstinata

Intumet ira:

Pace qui ficta simulant amicæ

Mentis affectus, animoq; uirus

Occulunt, prisco neq; facta curant

Federa ritu.

Lacteus blando fluit ore riuus:

Bella cor spirat fera, suauiorq;

Balsamo sermo secat instar ensis

Vulnere cæco.

Tu tui curam, Domino relinque,

Is tuos gressus reget, is dolores

Leniet, iustumq; ope subleuabit

Rebus in arctis.

Impto, fallaci, auidoq; cædis

Fila mors rumpet uiridi in iuuenta:

Me

Me tui, rector bone, spes fauoris  
Certa fouebit.

PSAL. LVI. *Miserere mei Deus, quoniam,*  
*etc. Carm. gen. 6.*

O Rbis creator me bonus aspice,  
Iniurioso quem pede prorutum  
Hostisq; conculcat, premitq;  
Assiduis agitans periculis.  
Conculcat hostis me numero ferox,  
Et insolenti sæuitia premit.  
Nec liberas lucas laborum,  
Nec uacuas finit ire noctes.  
Seu luce terror sollicitus mihi,  
Seu nocte circumstat, pater optime,  
Spes rebus in duris mihi una  
Et columen superas salutis.  
Te fretus uno, pollicitis tuis  
Innixus unis, nec metuum dolos  
Mortalium cæcos, minasq;  
Terrificas & aperta bella.  
Calumniantur quæ loquor omnia,  
Præuaq; carpunt facta libidine:  
Huc conferunt omnem laborem, ut  
Exitium mihi moliantur.  
Cætusq; cogunt, & capiti meo  
Quæ fraude, quæ ui iugiter imminent:  
Vestigia obseruant, nec horam  
Inidijs uacuum relinquunt.  
Impunè tantam nequitiam ferent?  
Præuiq; fructum consilij legent?

O arbi-

Orbiter mundi, nec illos  
 Præcipites agis in ruinam?  
 Meæ labores tu numeras fugæ:  
 Vrna repostas tu lacrymas meas  
 Seruas: apud te certa constat  
 Vsq; mei ratio doloris.  
 Aurem uocanti tu facilem mihi  
 Das, atq; inanes spes facis hostium:  
 Et signa non obscura amici  
 Das animi, & stabilis fauoris.  
 Te fretus uno, pollicitis tuis  
 Innixus unis, nil metuum dolo  
 Mortalium cæcos, minasq;  
 Terrificas & aperta bella.  
 Te semper ergo carmine patrio  
 Laudabo, uitæ præsidium meæ:  
 Ex hostium ferro dolisq;  
 Incolumis tibi uota reddam.  
 Te liberatus uindice, te meum  
 Firmante gressum, ne titubent pedes,  
 Dum spiritus fouebit artus,  
 Iussa sequar tua, rector orbis.

PSAL. LVII. *Miserere mei Deus, misere-  
re mei: &c.* Carm. gen. 2.

SAncte parës miserere animæ pereütis, & om-  
 In te salutis quæ locauit spë luæ: (nem  
 Meq; tuis alis tectum defende, procellæ  
 Dum sæuientis impetus deferueat.  
 Te uoco, te solum in rebus quod restat egenis  
 Appello, supplex & tuam imploro fidem.

Te

Te uoco, quicumulata mihi promissa refun-  
des,

Et cœpta duces prosperos ad exitus:

Qui mihi subsidium è cœlo præbebis, & hostis  
Iamiam imminentis liberabis faucibus.

Qui dabis auxiliũ ex adyto sublimis Olympi,  
Memorq; fidei & pristinæ clementiæ.

Inter enim sæuos habito feritate leones:

Flammam uomentes uersor inter belluas,

Lingua quibus sæuo proscindit acutius ense,  
Dentes sagittis, lanceæq; cuspede.

O Deus augustum celso caput exere cœlo:  
Ostende terris gloriæ iubar tuæ.

Explicuere meis pedibus sua retia: terra

Me sæuus hostis penitus afflictum premit.

Et scrobibus fossis iter obsedere: sed ipsi  
Mihi paratas in scrobes cæci ruent.

Mens infracta malis, animi uigor integer, orbis  
Te uoce rector, te celebrabit lyra.

Eia age depositis mens expergiscere curis,  
Et tu canora barbytos cum nablijs.

Ocyus auroræ quàm Lucifer excitet ignes,

Aurora cantus quàm uolucrum exuscitet,

Te pater alme canam : populos tua facta per  
omnes

Quacunq; tellus panditur, uates feram.

Nam tua siderei bonitas fastigia cœli,

Fidesq; tractus nubium superuolat.

O Deus augustum nitido caput exere cœlo:

Ostende terris gloriæ iubar tuæ.

PSAL.

PSAL. LVIII. Si uerè utiq; iustitiam lo-  
quimini, &c. Carm. gen. 6.

Qui iura celso de folio datis,  
Qui frena legum flectitis, en erit  
De plebis ut causis egenæ  
Iudicio statuatis æquo?

Quin mente praua nequitiam & dolos  
Versant: sub umbra iustitiæ tegunt  
Iniuriam: factis honesti

Obisciant speciem pudendis.  
Materna ab alio flagitij uiam  
Sensim sequuntur, perq; suos gradus  
Obliqua sectandi libido  
Cum teneris adolefcit annis.

Lingua uenenum pestifera gerunt:  
Auresq; claudunt consilijs, uelut  
Obturat aures callida aspis,  
Quæ magicos metuit susurros.

Confringe malas, ô Deus, impudens  
Os comminutis contere dentibus:  
Et rictibus sæuis hiantes  
Hos inhiibe catulos leonum.

Emissa fracta cuspide spicula  
Intercidant, nec uulnera perferant:  
Ipsi q; uanescent repentè,  
Per bibulas uelut unda arenas.

Sensim liquefcant, tardigradus uelut  
Limax: acerbo funere deserant  
Vitale lumen, more foetus  
Ante suum pereuntis ortum.

Floren-



Florentis æui in limine, turbinis  
 Vis atra tollat progeniem, prius  
 Quàm furculus spinas tenellus  
 Exerat, & stimulis acutis  
 Fecunda latè brachia porrigat.  
 Iusti q̄; pœnæ uindictis exitum  
 Læti uidebunt, impij q̄;  
 Sub pedibus fluuium cruoris.  
 Vitæ bene actæ gens hominum sciet  
 Manere iustos præmia: at impios  
 Manere pœnas, arbitrum q̄;  
 Esse Deum sciet orbis æquum.

PSAL. LIX. Eripe me de inimicis meis

Deus meus: &c.

Carm. gen. 10.

**A** B hostis inclementia  
 Me rector orbis assere:  
 Defende uim crudeliter  
 Me semper oppugnantium.  
 Ab improbis me protege  
 Lætis cruore innoxio,  
 Meæ saluti per dolum  
 Qui cæca tendunt retia.  
 Vltro immerentis in caput  
 Consilia cuncta conferunt:  
 Exurge, te q̄; pessimis  
 Fer obuiam conatibus.  
 O arbiter mortalium  
 Et agminum cælestium,  
 Fauore semper qui pios  
 Peculiari amplecteris,

Exsurge,

Exurge, pœnis impias  
 Compelce gentes: perfidis  
 Neu parce, qui sibi fauent,  
 Nefanda quum patrauerint.

A sole Eoo ad Hesperum  
 Perambulabunt compita,  
 Et instar oblatrantium  
 Canum feroces obstrepent.

Nihil nisi merum crepant  
 Ferrum, cruorem, uulnera:  
 Et quæ loquuntur propalâm,  
 Clâm posse rentur obrui.

Meæ salutis tu Deus  
 Tutela præsens, irritas  
 Ridebis iras, & tua  
 Me dextera tueberis.

Discrimina imminetia  
 Ope anteuertes: & malis  
 Fracta hostium superbia  
 Læto fruar spectaculo.

Ne prorsus impios tamen  
 Vna ruina elimina,  
 Obliuio so ne pij  
 Torpore recta negligant:  
 Sed error illos dissipet  
 Vagos per orbis ultimas  
 Oras: tuaq; dextera  
 Semen piorum protege.

Ob oris arrogantiam,  
 Virusq; linguæ noxium,  
 Mendacia & periuria,

Confu-

Consume semen impium.  
 Euelle stirpe ab ultima  
 Iusti furoris impetu,  
 Vt norit orbis ultimus  
 Deum bonorum uindicem.  
 A sole Eoo ad Hesperum  
 Perambulabunt compita:  
 Et instar oblatrantium  
 Canum procaces obstrepent.  
 Passim uagati pauperem  
 Victum ut parent, sub uesperum  
 Serum petant cubilia,  
 Victus egentes pauperis.  
 Ego interim Deum canam  
 Fortem bonumq3, in asperis  
 Rebus suorum uindicem,  
 Fidumq3 propugnaculum.  
 Deum canam, qui robore  
 Me fulcit, auget uiribus,  
 Benignitate subleuat,  
 Tuetur ut arx ænea.

PSAL. LX. Deus repulisti nos, & destru  
 xisti nos, &c. *Carm. gen. 2.*

SAncte parens nostris uitijs offensus, abactos  
 Pressosq3 duris dissipasti nos malis:  
 Placatus mitisq3 ueni, iamq3 immemor iræ,  
 Salutis auctor ad tuos reuertere.  
 Omnis ager rimis te concutiente dehiscit:  
 Committe rimas, refice quassatum solum.

H

Dura tuæ genti spectacula ferre dedisti  
 Inebriatæ poculo formidinis:  
 At trepidos tandemq; animi miserat<sup>9</sup> egenos,  
 Signum salutis efferes: qui te colunt,  
 Veridicis freti oraclis, formidine inersum  
 Erigere rursus audeant ut uerticem:  
 Eripiasq; tuos gelidi formidine lethi  
 Præsens, & opifer inuocantes audias.  
 Audijt ex adytoq; Deus flammantis Olympi  
 Vocem rependit gaudij prænunciam,  
 En tibi frugiferos Sichimæ dispertiar agros:  
 Vallem Sucothi metiar decempeda.  
 Nonne mihi parent Iacobi pignora, quisquis  
 Vel pecore tondet arua, uel uomere tecat:  
 Oppida sub pedibus Syriæ calcabo superbæ,  
 Moabum, Idumen, & Palæstinas domos.  
 Quis mihi pãdet iter munitas ductor ad arces?  
 Muros Idumes diuitis quis diruet?  
 Quis nisi tu nostræ gentis Deus unice tutor,  
 Qui nos premendos hostibus reliqueras,  
 Offensus uitijs prauis, nec in arma ruentes  
 Nostros præibas dux, ut ante, exercitus.  
 Nunc pater auxiliũ rebus bonus adfer in arctis,  
 Humana fallax credulos spes decipit.  
 Te duce, uictrici decorati tempora lauro  
 Pedibus prememus hostis arrogantiam.

PSAL. LXI. Exaudi Deus deprecationem  
 meam, &c.

Carm. gen. 15.  
 Audi

**A** Vdi uocantem me bonus, & meis  
Intentus aurem da precibus Deus.

Proiectus oris orbis in ultimis,

Ad te recurram rebus in asperis.

Me fiste rupis culmine in arduo

Procul periculis, semper enim tui

Spe fretus, hostis tutus ab impetu

Munitæ ut arcis præsidio fui.

Tentorio fac semper ut in tuo

Degam, sub alis protegar & tuis:

Qui lenis aurem das precibus meis,

Qui uota lætum ducis ad exitum,

Frenare sceptris te metuentium

Hereditatem das mihi: regię

Tu longa uitæ tempora porrigens,

Nectes peractis sæcula sæculis:

Securus ut te perpetuò colat

Rex, liberalem porrige dexteram

Fortuna in omni: quaq; soles fide

Fac ut fruatur pollicitis tuis.

Actum periculis liber ab asperis,

Te uoce, dulci te cythara canam

Pacti tenacem, & munificum tuis,

Et uota ad aras perpetuò feram.

PSAL. LXII. Non'ne Deo subiecta erit  
anima mea? &c, Carm. gen. 3.

**M**ens acquiescit unicè mea in Deo:

Hinc spes salutis, arduis

In rebus arx hæc: tutus hoc munimine

Nullum tremiscam ad impetum.

H ij

Quousq3 tectis fraudibus subuertere  
Innoxium tentabitis?

Pœnas daturi mox & ipsi, improvidi  
Iamiam imminentis exitus.

Proni in ruinam incumbitis, ceu mœnia  
Saxis solutis putria.

Et interim omnes corporisq3 & ingeni  
Vires eo contenditis.

Vobis placetis fabulis uanis, gradu  
Turbetis impij ut pium.

Cùm deuouetis corde tacito: propalãm  
Laudatis ore subdolo.

At tu acquiesce mens mea in Deo tamen:  
Hinc spes salutis, arduis

In rebus arx hæc: tutus hoc munimine  
Nullum tremiscam ad impetum,  
Spes inde uitæ & gloriæ pendet meæ,  
Et roboris fiducia.

Quocunq3 cæli gens colis sub fidere,  
Huic crede rem, sobolem, domum.

Omnes ad illum mentis ægritudines,  
Et læta defer & refer:

Semperq3 prælens numen eius omnibus  
Adesse cœptis senties.

Ventosa regum & principum potentia  
Est uanitate uanior,

Adeoq3 fumo leuior: ut si principum  
Hac lance uires omnium,

Inanitatem hac colloces, cunctis simul  
Inanitas præponderet,

Ne firma spera parta per uim: ne nimis  
Confide

Confide stultis uiribus.

Opes abundant affluenter? ne bonis

Da rebus animum credulum.

Semel est professus: nec semel tantum Deum

Id proferentem audiuius,

Se posse solum cuncta, se solum bonum,

Et arbitrum rerum unicum:

Bonis benignum semper & placabilem,

Malisq; formidabilem.

PSAL. LXIII. Deus Deus meus ad te de

luce uigilo, &c.

Carm. gen. 18.

**D**Eus, salutis auctor & custos meæ,

Te ueneror roseus quū fugat astra dies.

Te mens anhelat, membra sitiunt languida,

Terra uelut pluuias arida quærit aquas.

Quamuis arenas aridas æstu colam,

Præsentem Dominum mēs uidet usq; meū,

Non aliter, adyta arcaña quàm si conspicer,

Numinis adseruant quæ monumenta tui.

Nec dulcis æquè uita est quàm benignitas

Qua uitam munis prosequerisq; meam.

Ergo remotis dislitus quamuis locis,

Præsidio tutus te celebrabo tuo:

Tui sonabunt nominis præconia

Quæ dederis uitæ tempora cunq; meæ.

Nec uictus æquè recreat corpus, tua

Excitat ut mentem laus celebrata meam,

Tu nocte carmen, manè tu carmen mihi es:

Tu trepido præsens fers mihi semper opē.

Securus alis conquiesco sub tuis:

H iij

Teq̄z procul curis & tua facta canam.  
 Te quærit animus, te colit, te deperit:  
 Tu ualida fulcis in epater alme manu.  
 At qui laborant per nefas me perdere,  
 Consilijs prauis digna ruina premet.  
 Ferro profundent spiritum nefarium:  
 Membra dabunt audis dilanianda lupis.  
 Rex lætus autem uindicem agnoscet Deum,  
 Et quicumq̄z Dei numina ritè colunt.  
 Metu stupentes conticescent impij,  
 Spe stolidi fluxis qui tumuère bonis.

PSAL. LXIIII. Exaudi Deus orationem  
 meam, &c. Carm. gen. 8.

**A** Vdi sancte parens non tetricus preces  
 Te poscentis opem rebus in asperis:  
 Et fallacis ab hostis  
 Vitam fraudibus eripe.  
 Prauorum tacitis factio me dolis  
 Oppugnat, trucibus consilijs fremunt  
 Conspirantq̄z scelesti:  
 Tu me dux bonus eripe.  
 Linguas ceu gladios exacuunt suos:  
 Oris pestiferi uerba nefaria  
 Intentant, medicata  
 Tanquam spicula toxico,  
 Vt rectos animi ex insidijs petant.  
 Et securi auida mente coquunt nefas:  
 Nec quenquam malefacti  
 Formidant fore uindicem  
 Designant animis horrificum scelus,  
 Et



Et sæuo laqueos consilio parant:  
 Inter seq; loquuntur,  
 Nemo conscius hæc scies,  
 Cor, mens, ingenium, consilium, labor,  
 Huc tendunt, facies ut scelerum nouas  
 Et fraudum meditentur:  
 Hoc unum studium fuit.  
 Ast illos subiti cuspide spicali  
 Incautos feriet magna Dei manus:  
 Et lethalia certa  
 Figet uulnera dextera.  
 Spectantes gelidus corripiet timor,  
 Auctori exitium quum uideant suæ  
 Virum immittere linguæ  
 Viro sæ mala toxica.  
 Gens humana tuæ robora dexteræ  
 Agnoscet, meritis laudibus efferet:  
 Et mirabitur altæ  
 Lumen perspicientiæ.  
 Iusti spes animos eriget, & Dei  
 Tutus præsidio, lætitia fremet:  
 Et gaudentia corda  
 Vero simplice gestient.

PSAL. LXV. Te decet hymnus Deus in  
 Sion. &c. Carm. gen. 5.

**T**E manent laudes Deus in Sione:  
 Hic tibi castis operata sacris  
 Vota gens soluet tua, uictimisq;  
 Imbuet aras.  
 Quiq; tam præsens tibi supplicantium

H iiii

Exitus uotis tribuas secundos,  
Te petent gentes sub utroq; mundi  
Axe iacentes.

Nostra nunc iustis scelerata facta  
Nos premunt pœnis: facilis querelis  
Tu tamen flexi, mala seruitutis  
Vincula franges,

O quater plusquam quater ô beatos  
Quos leges, lectos facies amicos;  
Ut colant puri tibi dedicati  
Atria templi,

Illa lux felix, cumulata cunctis  
Lux bonis, pectus satiabit ægrum  
Gaudio, quæ nos reduces sacrata  
Sistet in æde,

Annues nostris facilis querelis,  
Finium terræ Deus ultimorum  
Spei & extremas maris ambientis  
Gurgite terras,

Tum stupor mentes quatiet tuentum,  
O Deus nostræ columen salutis,  
Te malis durum, miseris benignum,  
Omnibus æquum,

Tu potens rerum, ualidisq; pollens  
Viribus, firmas stabili catena  
Montium tractus, iugaq; inquietis  
Tunsa procellis.

Tu maris nigris agitata uentis  
Terga componis: cohibes rebelles  
Gentium motus, placidaq; mutas  
Pace tumultus.

Vltimi

Vltimi rerum tua signa norunt,  
Et colunt fines, quoties coruscis  
Turgidum flammis fremuit sonoro  
Murmure cælum.

Quiq3 Phœbæos habitant ad ortus,  
Et quibus sera face Phœbus undas  
Tingit, auctorem te hilares fatentur  
Lucis & umbræ.

Tu solum terræ sitientis imbrem  
Lætus inuisis, grauidæq3 nubis  
De sinu fundis genitale pigros  
Semen in agros.

Alueus pleno tibi semper amne  
Turgidus læta nouat arua fruge,  
Floribus campos, nemorum uirentes  
Fronde recessus,

Roretu leni sola contumacis  
Maceras terræ, subigisq3 glebas:  
Ebrios sulcos uiridante amictu  
Messis in umbras.

Quâ feres gressus, renouabis annum  
Fertilem frugum: uegetansq3 fœtus  
Per cauas ualles riguosq3 saltus  
Impluet humor.

Gestiet pauper tuguri colonus,  
Lacte distentas comitans capellas:  
Mugient colles, & amica fellis  
Silua iuuenicis.

Spes aratoris cupidas fouebit  
Fluctuans latis seges alma campis:

Vt canat festa tibi feriatuſ

Carmen in umbra.

PSAL. LXVI. *iubilate Deo omnis terra, etc.*

*Carm gen. 19.*

Incolæ terrarum ab ortu  
Solis, ultimum ad cubile,  
Eia Domino psallite,  
Eia Domino iubilate:  
Nomen eius, numen eius  
Ferte in astra laudibus.  
Dicite illi, Rector orbis  
Sancte, quàm stupenda rerum  
Est tuarum gloria!  
Quanta uirtus! qua proteruos  
Mente fracta cogis hostes  
Supplices procumbere.  
Te parentem læta honoret,  
Te potentem prona adoret  
Tota rerum machina.  
Voce blanda te canamus,  
Barbito dulci sonemus,  
Carminumq; cantibus.  
Eia adeste, facta cunctis  
Cernite admiranda sc̄clis:  
Acriterq; expendite  
Facta prouidi parentis,  
Facta Domini consulentis  
Arte mira seruulis.  
Vertit æquor æstuoſum

Aridæ

Aridæ in campos arenæ,  
Fluminis per alueum  
Agmen ire gratulantum,  
Ceu per arua sicca, fecit,  
Stante fluctu languido.  
Frenat unus orbem habenis  
Sempiternis: intuetur  
Et pios & impios.  
Nec sinit sibi rebelles  
Viribus fretos superbis,  
Improbis uotis frui.  
Laus Deo nostro per omnes  
Orbis oras: omais unum  
Laudet illum natio.  
Morte liberavit unus  
Nos propinqua: fulcit unus  
Liberos firmo gradu.  
Igne ut aurum, examinasti  
Nos periclis: illigasti  
Hostium nos cassibus,  
Vincla lumbis, frena malis  
Sub tyrannis induisti  
Impotentis imperi:  
Sed per ignes, sed per undas,  
Diuitis tamen dedisti  
Vber agri exercitis.  
Ergo supplex introibo  
Templa, uictimasq; cædam:  
Vota supplex offeram,  
Vota duris in periclis  
Nuncupata: pinguis agnus,

Corni-

Cornigerq̄ agni parens,  
 Bos & hircus sanguine aras  
 Imbuent: nec tura deerunt  
 De Sabæo stipite.  
 Dum Dei benignitatem  
 Explico in me, cuncti adeste,  
 Qui Deum ueremini.  
 Audiit statim uocantem:  
 Nos uocantes audientem  
 Prosequamur laudibus.  
 Conscios sceleris nefandi  
 Supplicantes rector orbis  
 Aure surda respuit:  
 At mihi lenis bonusq̄  
 Supplicanti semper aurem  
 Non seueram commodat.  
 Gratias ago parenti  
 Optimo, qui se roganti  
 Asperum non præbuit:  
 Qui sua benignitate  
 Destitutum non reliquit  
 Rebus unquam in asperis.

PSAL. LXVII. *Deus misereatur nostri,*  
*etc. Carm. gen. 5.*

**A**rbiter mundi, placidus bonusq̄  
 Parce delictis, solito & fauore  
 Terra fac lætis segetem pecusq̄  
 Nutriat aruis.  
 Nota per terras bonitas ut omnes  
 Sit tua, & nostræ studium salutis,  
Mente

Mente quos curas patria, tegisq;  
Rebus in arctis.

Vt tuas laudes populi per omnes  
Prædicent terras, bonitatis usq; ad  
Terminos rerum celebretur omnes  
Fama per urbes.

Omnis exultet locus, omnis ætas  
Gestiat plausu & fremitu secundo,  
Res quòd humanas modereris æqui  
Iuris habenis.

Vt tuas laudes populi per omnes  
Prædicent terras, bonitatis usq; ad  
Terminos rerum celebretur omnes  
Fama per urbes.

Si tuæ genti faueas benignus,  
Conditor mundi bone, messis agros  
Vestiet, uites oleæq; colles,  
Gramina campos.

Si tuæ genti faueas benignus,  
Conditor mundi bone, te pauebunt  
Et colent gentes sub utroq; mundi  
Axe iacentes.

PSAL. LXVIII. Exurgat Deus, & dis-  
sipentur inim. &c. Carm gen. 20.

○ Qui perpetuis orbem moderaris habenis,  
Placidos bonus exere uultus:  
Impietasq; exosa tuas, pater optime, leges,  
Tremefacta repentè faceslet,  
Vt leuis in tenues fumi uapor effugit auras,  
Vt cera liquefcit ab igni.

At

At lætis pia turba animis sua gaudia plausu  
 Testabitur, & tibi, rerum  
 Sancte parens, Pæana canet, qui lucida cæli  
 Veheris super astra, nec æui  
 Inclusus spatij, æternis legibus orbem  
 Aeternus & ipse gubernas.  
 Te canimus læti, & lætos renouamus honores,  
 Qui celsi è uertice mundi  
 Respicias humanas curas: & patribus orbos  
 Pueros, uiduasq; maritis  
 Prosequeris patrio affectu: qui prole beata  
 Steriles solare hymenæos.  
 Compedibus uinctos soluis: populi arua rebel  
 Bibulis obducis arenis. (lis  
 Isacidæ Nilo quum te ductore relicto,  
 Arabum per inhospita saxa  
 Errarent, tremuere soli penetralia: cælum  
 Maduit sudoris anhel  
 Imbribus: à uultu Domini conterrita duræ  
 Tremuere cacumina Sinæ.  
 Arua sibi selecta bonus rigat imbre benigno:  
 Et quum labefacta fatiscunt,  
 Confirmat, recreatq; afflicta: suoq; fruenda  
 Dat habere gregi: nec egenam  
 Temporibus duris uirtutem deserit. Arma  
 Trepida formidine belli  
 Quum quatiēt animos, lætū celebrare triumphū  
 Teneris dabit ille puellis:  
 Sufficietq; suas in laudes carmina. reges  
 Numerofo milite freti  
 Terga dabūt, latebrasq; petēt: spolijsq; frue-  
 tur Imbellis



Imbellis turba relictis.  
 Vestra licet somno sternantur corpora nigrae  
 Inter fuliginis ollas,  
 Illa tamen uincet nitidam candore colubam  
 Rutilæ ceruicis honore,  
 Quæ nunc argentum nitidum, nunc lumina  
 Radiantis prouocat auri. (blandum  
 Quum Deus omnipotens traduceret agmina  
 Longo spectanda triumpho. (regum  
 Squalida quæ luctu & tenebris Solyma ante ia  
 Niuea tum luce refulsit: (cebat  
 Ceu niue uicinos inter candentia colles,  
 Salmonis culmina fulgent.  
 Usq; sibi Basan placeat, iactetq; superbus  
 Fastigia proxima cælo:  
 Ne tamen herbiferos saltus, ne pascua sacro  
 Ausit conferre Sioni:  
 Quæ propriam pater omnipotens in secula sedē  
 Legit, lectamq; tuetur.  
 Ille pater quem cælituum tot millia currum,  
 Equitum tot millia stipant:  
 Siue ille excelsæ uehitur per culmina Sinæ,  
 Sua seu sacraria uisit:  
 Seu scelerum uindex celebri petit astra trium-  
 Captiuaq; colla catenis (pho  
 Vincita trahit: uictæ passim donaria gentes  
 Cumulant: paulò antè rebelles,  
 Poplite nunc flexo uenerantur templa Sionis.  
 Igitur celebramus honores  
 Iure tuos, nullam nobis qui munere lucem  
 Vacuum finis ire: salutis

Vnica

Vnica spes nostræ: nepe unus frena gubernas  
 Vitæ, irremeabilis Orci  
 Vnus claustra tenes, & nutum fata sequuntur.  
 Inimicos uulnere certo  
 Tu figis: longa scelerum tu sorde sepultis  
 Lethali tempora plaga  
 Diuidis: At caros sic consolaris amicos  
 Extremo à litore ponti,  
 Vos ego crudeli incolumes ex hoste reducam,  
 Rubri ceu trans freta ductos  
 Aequoris, à sæuo incolumes seruauimus Ogo.  
 Cæforum in sanguine regum  
 Tinges crura: canes hostilia uulnera lambent.  
 Lætæ spectacula pompæ  
 Aspicient, pater alme, tuo, pater alme, triūpho  
 Plaudent tua templa petentes.  
 Anteibūt qui uoce canāt, qui cymbala pulsent,  
 Cytharæ tuba iuncta, tubæq;  
 Tibia, quæq; tuas celebrēt, fortissime, laudes,  
 Doctæ pulsare puellæ  
 Tympana: te populicœtu fremituq; secundo  
 Et plausu ad sidera tollent:  
 Ifacidæq; tuas in laudes ora resoluent:  
 Iuuenis de stirpe propago  
 Beniamini, Iudæq; aderit generosa propago.  
 Neq; clarus Zabulo decrit,  
 Nephthalidæq; duces. Nā tu tua iussa sequu-  
 Viresq; animosq; ministras. (tis  
 Claraq; uictrici das tempora cingere lauro.  
 Solymæ uictoria præpes  
 Ex adytis uolat. Ergo ferēt tibi munera reges,  
Atq;

Atq; ad tua templa ferentes  
 Munera, te super astra ferent. tu freta sagittis  
 Lethalibus agmina fundis:  
 Tu fortesq; domas dextras, animosq; rebelles  
 Humiles tibi pendere cogis  
 Vestigal fractosq; duces: auidiq; cruoris  
 Vindex populi agmina perdis.  
 Quiq; bibunt Nilum quâ mergitur equoris un  
 Quiq; ipso fontis in ortu, (dis?  
 Accurrent, pacemq; petent opulenta ferentes  
 Tibi munera supplice dextra.  
 Regna hominum celebrate Deū: date carmina  
 Qui templa gubernat Olympi (regi,  
 Aeterna æternus: cuius mortalia cuncta  
 Vocem tremefacta pauescunt.  
 Hunc fortem celebrate, uniq; accepta referte  
 Bene gesti prospera belli.  
 Cuius in Isacidis respundet gloria, cuius  
 Testantur robora nubes:  
 Cuius ab arcano templo uenerabilis horror  
 Stupefacta in pectora manat.  
 Isacidū Deus ille, Deus qui robore neruos  
 Animosq; uigore suorum  
 Implet: ei laudes Iacobi dicite proles.  
 Etenim Deus ille deorum est.

PSAL. LXIX. *Saluum me fac Deus,*  
*etc. Carm. gen. 2.*

SAncte parēs fer opem lasso: torrētibus undis  
 Penē obruerunt me malorum flumina.

Pes nequit in molli uestigia figere limo:  
 Pronumq̄ inundans uertici fluctus rapit.  
 Dum clamo, arentes urit fitis arida fauces:  
 Spectando lassa torpuere lumina.  
 Me uexant odijsq̄ premit immanibus hostes,  
 Plures inumbrant quàm capilli tempora.  
 Inq̄ dies crescūt numero: & ceu rapta repeda,  
 Beneparta per uim cogor illis reddere.  
 Simplicitas tibi nota mea est, bone cōditor or-  
 Meq̄q̄ testis semper innocentiae es. (bis)  
 Fac pater alme bonis ne sint mea dāna pudor,  
 Dum te colentes clade cernunt opprimi.  
 Te propter maledicta tuli & ludibria vulgi:  
 Te propter ora turpis infecit pudor:  
 Me uitant fratres, & eādem è matre creati  
 Me ceu scelestum abominantur filij.  
 Vror, & ira coquit penitus prae cordia, leges  
 Tuosq̄ ritus impij quum negligunt.  
 In tua quae iactant probra & conuicia, sacra,  
 In me recurrunt, corq̄ uulnerant meum.  
 Si fleo ieiunus, si macero pectora curis,  
 Rident, probrisq̄ prosequuntur lacrymas.  
 Si tegor incultos saccis squalentibus artus,  
 Fio repente fabula & ludibrium:  
 Me salibus petit è portae statione senectus:  
 Et ebriosae sum tabernae cantio.  
 Interea curis, genitor, confectus acerbis  
 Ad te recurro: tu benignus respice.  
 O genitor, sine fine bonus, sine fraude fidelis,  
 In rebus arctis da salutarem manum.

Eri-

Erige penè luto absorptum: da figere gressum:  
 Crudelis hostis eripe me impotentia.  
 Neu rapiat torrentis aquæ uolentia, neu me  
 Mergatue gurgis, aut uorago absorbeat.  
 Sancte parens, nullos cuius clemètia fines  
 Nouit, uocantem & destitutum respice,  
 Ne faciem seruo auertas, qui rebus egenis  
 Supplex opè orat: subito miserum subleua.  
 Mitis ades: serua hâc animâ, ut pudor obruat  
 Qui ceu relictû me enecât cõuicijs. (hostes,  
 Tu testis probri mihi ignominia: qz superba:  
 Tu testis hostes quàm proteruè illuferint.  
 Cor dolor urebat: socius mihi nemo doloris,  
 Nemo dolorem qui leuaret anxium.  
 Dulcia felle mihi tangebant fercula amaro:  
 Pro uino aceti porrigebant pocula.  
 Ergo uictum illis uitient aconita uicissim:  
 Merorqz læta obnubilet conuiuia.  
 Vnde sibi placidæ promittunt ocia pacis,  
 Hinc semen illis pullulet discordiæ.  
 Caligent oculi, & nutent uestigia: uires  
 Elumbe corpus deserant, iram tuam  
 Sic meritos effunde super: tuus hauriat illos  
 Furor. colonis tecta uidua mereant:  
 Qui deserta habitat tentoria nemo superfit,  
 Quia persequuntur dextera afflictos tua.  
 Afflictos miserosqz procaciter insultantes,  
 Verbis acerbant uulnèra atqz iniurijs.  
 Tu sine peccatis cumulèt peccata, nec unquã  
 Dulcem æquitatis sentiant tractum tuæ.  
 Impia de tabulis uiuentum nomina dele:

Tuos nec inter hos recense filios.  
 Me tenuē a fili etūq; tua, pater optime, dextra  
 Erige, locoq; siste tutum in arduo.  
 Hic ego carminibus rerum super astra parentē  
 Tollam, & celebri gratias in cœtu agam.  
 Gratius hoc illi est quā si cadat hostia ad arā  
 Vitulus tenellus iam coniscans cornibus.  
 Aspicient mites, & pectore gaudia uoluent.  
 Deum colentum læta cōrda gestient.  
 Audit enim Dñs tenues, nec despicit ægros  
 Ob nomen eius uinculis coërcitos.  
 Vnū igitur tellus colat hunc, & pōtus, & æther,  
 Et quicquid æther, terra, pontus continet.  
 Qui facit incolumem pulchrā florere Sionem,  
 Vrbesq; Iudæ mœnibus cingit nouis:  
 Meriturq; suis rura antè inculta colonis,  
 Tenenda blandis quæ relinquunt liberis.  
 Quæ placida teneat series in pace nepotum,  
 Quicumq; Domini nomen & numē colūt.

PSAL. LXX. *Deus in adiutorium me-  
 um intende: Domine ad adiuuandum, &c.*

*Carm. gen. 17.*

O Deus præsens ades, & periculis  
 Me præsentibus eripe:  
 O Deus duros propera labores  
 Confestim auxilio ut leues.  
 Qui meam quærunt animam, erubescant,  
 Fœdam ignominiam ferant:  
 Et fuga turpi doceant malignis

Qui

Qui me consilijs petunt.  
 Terga dent, fufos pudor ut perurat,  
 Qui rident gemitus meos.  
 Teq; clementi & placido fruantur,  
 Qui gaudent placitis tuis.  
 Qui salutis spem pofuere in uno  
 Te certam penitus Deo,  
 Gaudeant, femperq; canant, Perennis  
 Maiestas & honor Deo,  
 Sunt meæ uires & opes puſillæ:  
 Sed tu me Deus adiuua.  
 Tu meæ uires, mea ſpes, opesq;  
 Feſtinus fer opem mihi.

PSALM. LXXI. *In te Domine ſpera-  
 ui, non confundar, &c. Carm. gen. 15.*

IN te ſalutis ſpem poſui meæ,  
 Fac me perennis ne pudor obruat.  
 Audi uocantem lenis, & eripe  
 Hoſtis cruenti me uiolentiæ.  
 Vitæq; cuſtos & columen meæ,  
 Turrisq; rebus ſemper in aſperis,  
 Nunc turris eſto & perfugium mihi,  
 Et ſcruientem ſubtrahe dextera.  
 A ui ſceleſtæ ſubtrahe dextera  
 Pendentem ab uno ſubſidio tuo:  
 Et qui iuuentæ tutor eras meæ,  
 Orbam ſeneſtam uiribus aſſere.  
 Tu me tuendum matris ab ubere  
 Duxti: pependit matris ab ubere  
 Spes noſtra de te. materies meis

Vna est perennis laus tua cantibus.

Ceu continenter prodigium malis  
Natum ferendis, rideor impijs.

Sed me malorum fluctibus obrutum  
Spes una fulcit præsidij tui.

Me lux uidebit, me tenebræ tuas  
Laudes canentem: tam senio grauem,  
Fractisq; lasso corpore uiribus,  
Ne me impiorum trade libidini.

Et clam su furrant, & caput in meum  
Occulta tendunt retia per scelus.  
Et dum scelestum propositum premunt,  
Aiunt, Ope illum destituit Deus:

Instate fracto, prendite, perditæ  
Nudum salutis uindice. Tu Deus  
Ne linque fretum præsidio tuo:  
Præsensq; sæuis hostibus eripe.

Pudore uultus inficiat rubor  
Hosti dolofo, fraude nefaria  
Qui me aucupatur: mæreat irrita  
Conata, uanum lugeat exitum.

Liber periculis, carmine te nouo  
Pangam tenacem polliciti, & tuis  
Promptum iuuandis: & numeris meis  
Aptabo laudes innumeras tuas.

Canam potentem te dare prospera  
Euenta, belli quum fremuit timor:  
Canam fidelem reddere federum  
Promissa largo non sine fœnore.

Abusq; primo flore puertix  
Laudum tuarum tu mihi carmina

Semper



Semper præisti: ne senio grauem  
 Canumq; nunc me spes mea defere,  
 Donec nepotum sæcula nouerint  
 Me uate. quanto robore, qua fide  
 Me liberaris. iustitiæ tuæ  
 Conuexa mundi gloria transuolat.  
 Rerum creator, quis similis tui?  
 Qui me malorum gurgite merferas,  
 Mitisq; uita rursus amabili,  
 Tracto è profundo gurgite, das frui.  
 Opesq; honorés q; accumulās bonus,  
 Ira remissa: & pectora turbida  
 Solaris. ergo te cythara canam  
 Nabloq; certa conspicuum fide.  
 O sancte, nostræ gentis ab ultimo  
 Protector ortu, uox mea te canet:  
 Te spiritus, te uita laboribus  
 Exempta duris, laudibus efferet.  
 Lux nulla solem proferet aureum,  
 Qui prædicantem iustitiam tuam  
 Non audiet me, rex bone, qui meis  
 Rubore uultum offuderis hostibus.

PSAL. LXXII. Deus, iudicium tuum re-  
 gi da, &c. Carm. gen. 5.

**D**A tuæ regi Deus æquitatis  
 Ius ad exemplum dare, filioq;  
 Regis, ut legum patriæ ad salutem  
 Flectat habenas.

Ut regat iustis populum institutis,  
 Pauperum questus facili tuorum

Aure cognoscat, dirimatq; lites  
Legibus æquis.

Pace lætentur iuga montiumq;  
Horridi saltus: genitrix quietis  
Aequitas colles amet, asperosq;  
Ruris alumnos.

Ius suum det pauperibus, potentum  
Curet ut ne ui tenues premantur,  
Destruat quisquis miseros dolosis  
Litibus urget.

Vt reformidet uenientis æui  
Gens tuum nomen, sua sol diei  
Donec effundet, sua luna donec  
Lumina nocti.

Aequitas & ius ueniens Olympo  
Recreet terras, ueluti sub æstu  
Imber, & rores pluuij beatos  
Ruris honores.

Floreat, rerum hoc moderante habenas,  
Ius, bonæ paces uigeant, perenni  
Luna dum cursu rediens nouabit  
Menstrua uultus.

Imperi fines maris unda fluctu  
Hinc & hinc claudat: spatiumq; latis  
Quod modum regnis faciat, sit idem  
Terminus orbis.

Ad pedes illi cadat aduolutus  
Aethiops: hostes ueniam precati  
Supplices, uultus humiles comamq; in  
Pulvere uerrant.

Qui tenent pontum refluïq; ponti  
Insulas,

Infulas, regesq; Arabum beati,  
Turis & dites uenient Sabæi,  
Dona ferentes.

Illum adorabunt, mare quâ remotis  
Obstrepit terris, metuentq; reges.  
Seruient gentes sub utroq; mundi  
Axē iacentes.

Ille desertos ope subleuabit:  
Eximet curis querulos: egeno &  
Pauperi dextram dabit: obrutosq;  
Fœnore soluet.

Nec uelut uilem tenuis cruorem  
Plebis effundi sinet. ergo uiuat,  
Deq; thesauris Arabum beatis  
Munera sumat.

Ac suo regi bene comprecatus,  
Illius laudes canat, illum honoret:  
Largam opum dextram celebret, patremq;  
Vulgus adoret.

Per feros montes segetem refundat  
Terra, tam densis crepitans aristis  
Quàm graui Cedros Libani flagellant  
Murmure uenti.

Augeat prolem numero carentem  
Per uias urbis bona pax beatæ:  
Læta ceu campis riguis per imbrem  
Gramina surgunt.

Nomen æterno iuuenescat æuo,  
Filij nomen, iubar usq; solis  
Dum uagæ fundet radiata terris  
Lumina flammæ.

Ille rex gentes faciet beatas  
 Quas sinu claudit refugo Amphitrite,  
 Omnis hunc tellus canet Amphitrite  
 Cuncta beatum.

Isaci gentis Domino Deoq̄  
 Laus, honor, uirtus: opis haud egenus,  
 Illa quæ cuncti attoniti intuentur,  
 Perficit unus.

Nomen augustum canat omnis ætas,  
 Vlla quod nunquam taceat uetustas:  
 Nominis sancti penetret per omnes  
 Gloria terras.

GEORGII BV  
 CHANANI PARAPHRASIS, IN  
 tertium librum Psalmorum.

PSAL. LXXIII. *Quam bonus Israel Deus ijs qui recto sunt corde, &c. Carm. gen. 15.*

Tellus ut undis hospitium neget,  
 Undæq̄ terras fluctibus obruant,  
 Aër coruscis fulminet ignibus,  
 Ruina mundi sidera misceat:  
 Dei potentis non bonitas tamen  
 In rebus arctis destituet pios,

Puras-